

## Universitätsbibliothek Paderborn

### **Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum**

Pars Altera Decisionum Practicarum Casuum Conscientiæ Selectorum In  
Praxi, Et Foro Interno Quotidie Occurrentium, Omnibusque, Præsertim  
Ecclesiasticis, Qui Sui, Et Aliorum Curam Gerunt, Perutilium, Resolutorum

**Leonardelli, Bonaventura**

**Augustæ Vindelicorum ; Græcii, 1739**

Q. 3. An Antonius nepos, & ipse Titius, rescientes postea horologium fuisse  
furtivum, ad aliquam restitutionem teneantur?

**urn:nbn:de:hbz:466:1-41144**

circumstantiam, & periculum silius damni ad illud inde ortuū compensandum.

58 Ad 3. Q. Notandum, scindūmque est, præcindendo à speciali contractu, & legis aut Judicis dispositione, duas duntaxat esse radices seu titulos restitutio-  
nis, ut tenet communissima TT,  
cum S. Th. 2. 2. q. 62. n. 6. & 7.  
Prima est res accepta. Secunda, in-  
justa acceptatio.

Ex radice, seu titulo *rei acceptæ* restituere obligatur quicunque rem alienam possidet, ac retinet, etiam sine sua culpa formaliter, sive dein res extet in se, sive in æquivalenti, inquantum scilicet factus est inde dictior, & quidem per se tenetur rem restituere, quamprimum intelligit, esse alienam; quod si tunc eam omnino restituere nollet, non tantum ex re accepta, sed etiam ex titulo in-  
justæ acceptioñis reddere tene-  
retur, tanquam injustus possel-  
for.

Ex radice, seu titulo *injustæ ac-  
ceptioñis* ad restitutionem tenetur quisquis alterum voluntariè, & per culpam, seu injuriam formalem damnificavit, etsi inde non sit factus locupletior, imo etsi ipse damnum inde passus esset, ut si v. g. meam domum incendendo, tua quoque vicina domus confia-  
grasset; & hic quoque titulus

fundatur in ipso jure naturæ di-  
stante: quod tibi non vis fieri, alteri ne feceris, & si alias hic titulus non fundaret obligationem restitutioñis, via panderetur innumeris fraudibus & furtis, rebusque humanis pessimè consulatum foret, nec humana Societas, & Res publica satis conservari pos-  
sent.

Ex his patet, graviorem esse obligationem restituendi ex injus-  
ta acceptioñe, quam ex re ac-  
cepta; ex hac enim non teneris, nisi res apud te formaliter extet, vel æquivalenter, inquantum fa-  
ctus es dictior, ut dictum est, adeo-  
que si res aliena casu, aliove mo-  
do destructa fuerit, vel perie-  
rit absque tuo lucro, aut cul-  
pa, ad nihil teneris. Contra  
verò ex injusta acceptioñe tene-  
ris, quamvis res nullo modo ex-  
ter, nullumque commodum, sed  
potius damnum inde retuleris, &  
insuper teneris omnia damna inde  
secuta relarcire,

Porrò ad contrahendam obliga-  
tionem restituendi ex titulo injus-  
tae læsionis dao sunt necessaria,  
scilicet ut damnum illatum sit, &  
ut sit illatum contra justitiam,  
sive per injuriam, non autem  
contra alias virtutes: Unde qui  
non succurrat proximo indigen-  
ti, quando tenetur, non dando  
v. g. Eleemosynam, peccat qui-  
dem,

dem, sed ad restitutionem non tenetur.

60 Ex modò dictis colligitur responsio ad 3. Q. Si enim Cajus bonæ fidei emptor rem alienam à se bona fide emptam alteri eodem pretio vendat, & ejus premium Antonio nepoti donet, aliàs non donaturus, nec aliud donum reciprocum ab eo recipiat, nec Cajus, nec Antonius nepos tenetur ad aliquid rei domino restituendum. Non Cajus, quia ipse rem alienam nec in se, nec in æquivalenti detinet, adeoque non est inde factus ditior. Non Antonius nepos, quia hic non est factus ditior ex re aliena, sed ex pretio sibi donato, cuius dominium ipse Cajus, jure ita disponente, acquisivit per venditionem rei prius à se bona fide emptæ factam, leg. qui vas §. ult. ff. de furtis. Item leg. rem alienam ff. de contrah. empt. & l. ex empto, ff. de actionib. empti. Aliud esset, si Cajus premium alteri non donasset, sed sibi reservasset; tunc enim teneretur illud Domino comparenti restituere, si Dominus non posset rem suam aliter vindicare, quia tunc ex alieno factus esset locupletior, uti etiam tunc, si tantundem pecuniarum de suis aliàs donasset Antonio nepoti; nam possessor bonæ fidei, qui rem alienam, putans esse suam, alteri donat, aliàs donaturus aliam

rem suam æquivalentem, tenetur illam vel ejus premium restituere, quia sic parcendo suis rebus factus est ditior, secùs si aliàs nullam ex suis donasset, quia tunc non esset locupletior factus ex re aliena; hinc dixi suprà aliàs non donaturus &c.

Colliges 2. Eum ad nullam obligari restitutionem, qui bona fide equum alienum eodem vel minori pretio, quo eum emerat, alteri vendidit, quia etiam in hoc casu non plus pecunia habet, quam habebat ante rei empitionem, adeoque per hoc non est ditior factus. Contrà verò si possessor bonæ fidei rem alienam vendidit, quam gratis accepérat v. g. à sure sibi donatam, teneri tunc restituere totum premium, quia toto eo pretio factus est ditior.

Colliges 3. Possessorem bonæ fidei, qui rem emit 20. fl. v. g. & 30. fl. eam vendidit, teneri decem florenos restituere, quia his factus est locupletior, & premium justum rei venditæ est quasi fructus illius; si tamen rei venditæ excessus proveniat præcisè ex sua industria, ad nihil cum obligari, quia illud auctarium est premium, seu fructus industria, ad eum pertinens, qui industriam adhibuit.

Colli-

Colliges 4. Non posse possessorum bonæ fidei à domino exigere pretium pro restitutione rei alienæ, etiam si ipsem eam emerit, quia sic rem domini venderet rei domino, quod juri naturali, & humano adversatur; potest tamen ipse pretium rei emptæ à venditore repeteret, si conveniri possit; secus sibi, siueque in emendo incuriæ imputare debet, si pretii jacturam facere debet.

Colliget 5. Possessorem malæ fidei teneri rem domino restituere, si extat, aut ejus estimationem si perierit, quantumvis

casu, & sine ejus culpa interierit: imo etsi apud dominum res æquè erat peritura per injuriam alicujus tertii, quia præveniendo alterius tertii injuriam suscepit in se obligationem, quam alter tertius habuisset. Præterea refarcire debere domino omne aliud damnum emergens, & lucrum cessans, cuius damni causa ipse extitit, quia tenetur ex radice injustæ acceptationis dominum rei servare indemnem, eumque in integrum, & ad perfectam æqualitatem restituere, ut docet communis DD. & patet ex l. bonæ fidei, ff. de acquir. R. D.



R. P. Leonardelli Soc. Jesu.

I

CA-